

Ibsa Suuratu Al-Mursalaat-Kutaa 3

Description

Suuratu Al-Mursalaat suurah waañ™ee Guyyaa Qiyaamaa fi haala namootaa dubbattuudha. Dhugumatti, Suurah tana keessa ragaalee amansiisoo Qiyaamaan haqa tañ™uu agarsiisanii fi wanta Guyyaa san raawwatamantu jira. Kanaafu, eenyutu ragaalee kanniinitti xinxalluun amanee Guyyaa san adabbii ibsame jalaa nagaha bahaa? Kutaa darbe irraa itti haa fufnuñ™,

﴿أَلَمْ نَجْعَلِ الْأَرْضَ كِفَاتًا ﴿٢٥﴾ أَحْيَاءَ وَأَمْوَاتًا ﴿٢٦﴾ وَجَعَلْنَا فِيهَا رَوَاسِيَ
شِمَخَاتٍ وَأَسْقَيْنَاكُمْ مَاءً فُرَاتًا ﴿٢٧﴾ وَيْلٌ لِّلْمُكَذِّبِينَ ﴿٢٨﴾﴾

ñ™(25)-Sila Nuti dachii walitti qabattuu hin taasifnee? (26)-Jiraa fi duñ™aas [tan walitti qabdu]? (27)-Gaarreen raggañ™oo dhedheeroo ishii keessatti goone. Bishaan miñ™aawas isin obaafne. (28)-Guyyaa san kijibsiiftotaaf ee badii isaanii!ñ™• Suuratu Al-Mursalaat 77:25-28

Arabiffa keessatti guddinnaa fi aangoo agarsiisuuf maq-dhaalañ™enutiñ™• jedhu fayyadamuun wanta baratamee fi beekkameedha. Kanaafu, keeyyattoota Qurñ™aanaa keessatti Rabbiin ñ™Nutinñ™• jedhe yommuu fayyadamu, Guddinnaa fi Aangoo Isaa agarsiisuufi. Asitti ñ™Nutinñ™• baayñ™inna hin agarsiisu. Rabbiin oltañ™me Tokkicha waan tañ™eef.

ñ™Sila Nuti dachii walitti qabattuu hin taasifnee? Jiraa fi duñ™aas [tan walitti qabdu]?ñ™• Kana jechuun dachii jiraataa keessanii fi duñ™aa keessan tan walitti qabduu hin goonee? Iddoo jireenyaa fi mana keessatti jiraattota ofirratti qabdi. Warroota duñ™an immoo qabrii keessatti of keessatti qabatti. [1] Garaa dachii keessa duñ™aatu jiraata. Gubbaa dachii keessa immoo lubbu-qabeenyitu jiraata. Kanaafu, dachiin jiraa fi duñ™aa tan walitti qabattee fi sassaabdeedha.

Wanti buñ™uura dachii ñ™biyyee fi bishaani.ñ™• Dachiin qabee jireenyaati malee mataa ofiitin lubbuu tana qabduu miti. Lubbuun wanta ishii irraa adda baheedha. Kana jechuun lubbuun tani gara biraati ishii keessatti seensifamti. Lubbu-qabeenyitti lubbuu kan seensisu dachii osoo hin tañ™in, Rabbi oltañ™aadha.


Hammaarri biyyeetti lubbuun yoo seensifamte, hammaarriin kuni qabee lubbuu of keessatti qabatu tañ™a. Yeroo duñ™aa lubbuun tani qaama hundeen isaa biyyee tañ™ee irraa fudhatamti. Ergasii qaamni gara biyyeetti deebiñ™a. Lubbuun itti seenun dura haala duraan turetti deebiñ™a.

Dachiinis qaama duñ™e hanga nyaatte balleesisutti of keessatti qabatti. Ergasii biyyema dachii tanarraa jireenyi biraa ni uumamti. Tarii qaama duraan duñ™ee biyyetti deebiñ™e irraa wanti tokko ijaarsa

qaamaa haarawaa kana keessa seenu dandaâ€™™a. Haala kanaan duâ€™™aa fi jireenyi dachii tana keessatti irra deddeebiâ€™™u.

Akkuma mulâ€™™atu, dachiin qabee guddaa murtii fi uuminsa Rabbiitin lubbu-qabeenyin keessaa ol yaaâ€™™aniidha. Ammas, murtii, uumiinsaa fi tooâ€™™annaa Rabbiitin wantoonni duâ€™™an dachitti deebiâ€™™u. Tarii hammaarrin biyyee fi bishaan dachii, jireenya fi duâ€™™a jidduu siâ€™™a baayâ€™™ee deddeebiâ€™™an.[2] (Kana jechuun wanti tokko yommuu duâ€™™u gara biyyeetti jijjirama. Biyyee tana irraa biqiltoonni ni biqilu. Biqiltoota kana irraa lubbu-qabeenyin ni nyaatu. Nyaanni kuni gariin qaama keessa deemun gara dhangalaâ€™™aa salaatti jijjirama. Dhangalaâ€™™aa saalaa kanarraa namni ykn lubbu-qabeessi ni uumama. Ammas, lubbu-qabeessi kuni guddatee ni duâ€™™a. Ergasii qaamni isaa gara biyyeetti jijjirama. Biqiltoonni biyyee kanarratti ni guddatu. Ergasii lubbu-qabeessi biroo biqiltoota kanarraa ni nyaata. Nyaanni kuni gara dhangalaâ€™™aa saalaatitti jijjirama. Haala kanaan jiruu fi duuti siâ€™™a baayâ€™™eef deddeebiâ€™™u. Wanti asitti hubatamu qabu, biyyee fi bishaan hundee ykn buâ€™™uura qaamni namaa irraa ijaarramuudha. Garuu lubbuun alarraa qaama biyyee fi bishaan irraa ijaarrame kanatti seenti. Qaama kanatti lubbuu Kan seensisu Rabbii oltaâ€™™aadha.)

Kanaafu, maaltu Rabbiin subhaanahu wa taâ€™™aalaa Guyyaa Qiyaamaa namoota kaasu akka hin dandaâ€™™amnetti akka ilaalan nama taasisa ree? Jecha biraatin, maaltu, â€™œNamoonni erga duâ€™™anii booda hin kaafamanâ€™œ jedhanii akka yaadan nama taasisa ree? Dachiin tuni qabee waa of keessatti qabattu malee lubbuu tan uumtu miti. Buâ€™™uurri qaama lubbu-qabeenyi biyyee fi bishaani jennee jirra. ***Qaama biyyee fi bishaan irraa erga walitti qabee booda lubbuu itti seensisuun nama Kan taasisa, erga duâ€™™anii booda biyyee fi bishaan irraa walitti isaan qabuun lubbuu itti seensisee lamuu isaan hin kaasu?*** Dhugumatti, Rabbiin waan hundaa irratti dandaâ€™™aadha. Suuratu Xaaha keessatti dhugaa kana akkana jechuun ifa baasa:



â€™œIshii irraa isin uumne, ishii keessatti isin deebifna. Yeroo biraas ishii keessaa isin baafna.â€™œ Suuratu Xaahaa 20:55

Dachii irraa isin uumne. Kana jechuun biyyee fi bishaan ishii irraa qaama keessan uumne. Duâ€™™aan boodas gara dachiitti isin deebisna. Biyyee keessa taatu. Yeroo biraa dachima tanarraa isin baafna. Qorannoof, murtiif, ergasii mindaa kafaluuf, adabuuf yeroo lammataaf gara jireenyaatti isin deebisna.[3] Kuni Guyyaa Qiyaamaa taâ€™™a.

Isin homaa kan hin turree taatanii osoo jirtanuu dachii irraa isin uumne. Akkuma yeroo jalqabaa isin baasne duâ€™™aan boodas dachiima irraa isin baasna.[4] Kanaafu, lamuu kaafamu akka waan hin dandaâ€™™amneetti hin ilaalinaa. Rabbiin biyyema irraa isin uume, biyyeematti isin deebisa, lamuus biyyema irraa isin kaasa.

â€™œGaarreen raggaâ€™™oo dhedheeroo ishii keessatti goone.â€™œ Kana jechuun dachii keessatti gaarreen sirritti gadi dhaabbatan, lafa qabatanii fi dhedheeroo taasifne jirra. Rabbiin subhaanahu wa taâ€™™aalaa gaarreen ibsa lamaan ibse: gadi dhaabbatoo fi dhedheeroo. Ibsa lamaan kana dubbachuun

xiyyeefannoo fi kunuunsa Rabbiin gabroota Isaa dachii keessa jiraataniif kenne agarsiisa. Gaarreen dachii keessatti gadi dhaabbachuu fi sirritti hidda qabachuun dachii tasgabbeessa. Yeroo hundaa dhiibbaa keessaa fi kirkiraaf akka hin saaxilamne eega.

Ammas, gaarreen dhedheeroo taâ€™uun namoota fi wantoota birootiif faayda baayâ€™ee fidaaf. Gaarreen kana keessa bishaan miâ€™aawan ni kuufama. Dhagaa isaanii irraayis namoonni ijaarsaaf itti fayyadamu. Yeroo duulaas gaarreen keessatti dhokachuun of eegu.^[5]

• **Bishaan miâ€™aawas isin obaafne.** • Kana jechuun bishaan miâ€™aawa dhugaatif taâ€™u duumessaa irraa buusun isin obaafne. Rabbiin subhaanahu wa taâ€™aala ni jedha:

﴿أَفَرَأَيْتُمُ الْمَاءَ الَّذِي تَشْرَبُونَ ﴿٦٨﴾ ءَأَنْتُمْ أَنْزَلْتُمُوهُ مِنَ الْمُزْنِ أَمْ نَحْنُ الْمُنْزِلُونَ ﴿٦٩﴾ لَوْ نَشَاءُ جَعَلْنَاهُ أُجَاجًا فَلَوْلَا تَشْكُرُونَ ﴿٧٠﴾﴾

• **Sila bishaan dhugdan san argitanii? Isintu duumessa irraa buuse moo Kan buuse Nuhi? Osoo feene ashaboo [kuraawaa] isa taasifna. Kanaafu, maaliif [Rabbiin] hin galateefannee?** • Suuratu Al-Waaqiâ€™a 56:68-70

Yaa namoota! Bishaan dhugaatii namatti tolu, kuraawaa fi hadhaawaa kan hin taane san itti xinxallitanii? Isintu duumessa irraa buusee moo Nutu buusee? • Osoo Rabbiin subhaanahu wa taâ€™aala duumessa irraa bishaan dhugaatiif namatti tolu buusu baate, eenyutu buusaa? Ilmaan namaa guutuun osoo walitti qabamanii cophaa bishaani takka buusu hin dandaâ€™an. Rabbii oltaâ€™aa malee bishaan qulqulluu duumessa irraa kan buusu hin jiru. Kana hubachuuf mee yeroo hoonge haala namootaa ilaali. Yeroo hoongee roobni dhabamu san namni hunduu gara Rabbii oltaâ€™aa fiiga. Osoo namoonni ofii kan buusan taâ€™anii, silaa duumessa irraa bishaan ni buusu turan. Garuu, Rabbii Tokkicha malee eenyullee bishaan kana hin buusu.

Gaarreen gurguddaa fi dhedheeroo kanniin uumuu fi bishaan miâ€™aawa duumessa irraa buusun namoota obaasun wantoota guddinna dandeetti Rabbii fi ogummaa Isaa agarsiisaniidha. Kunis duâ€™aan booda jireenya lammataaf kaafamuun haqa akka taâ€™ee ragaa amansiisaa namaaf dhiyeessa. Jireenya lammataa kana keessatti qorannoon, murtii fi jazaan ni adeemsifama. Kanaafu, ragaalee nama amansiisan booda nama Guyyaa Qiyaamaa kijibsiisuu, • **Guyyaa san kijibsiiftotaaf ee badii isaanii!** • jedhee akeekachisuun wanta maluudha.

Asi olitti ragaalee nama amansiisan Qiyaamaan haqa taâ€™uu agarsiisan erga dhiyeesse booda, namoota Qiyaamaa kijibsiisaniif adabbii isaan eeggatu hima:

﴿أَنْطَلِقُوا إِلَى مَا كُنْتُمْ بِهِ تَكْذِبُونَ﴾ (٢٩) أَنْطَلِقُوا إِلَى ظِلِّ ذِي
ثَلَاثِ شُعَبٍ (٣٠) لَا ظَلِيلٍ وَلَا يُغْنِي مِنَ الْهَبِّ (٣١) إِنَّهَا تَرْمِي بِشَرِّ
كَالْقَصْرِ (٣٢) كَأَنَّهُ جِمَلَتٌ صَفْرٌ (٣٣) وَيْلٌ يَوْمَئِذٍ لِلْمُكَذِّبِينَ ﴿٣٤﴾

•(29)-Gara waan sobsiisaa turtanii deemaa. (30)-Gara gaaddisa abbaa damee sadihii deemaa.â€• [jedhamu]. (31)-Gaaddisa qabbanaaâ€™as miti, laboobaa irraas nama hin eegu. (32)-Dhugumatti ishiin qaanqeewwan akka gamoo darbiti. (33)-Inni (qaanqichi) gaalota sufr fakkaata. (34)-Guyyaa san kijibsiiftotaaf ee badii isaanii!â€• Suuratu Al-Mursalaat 77:29-34

Rabbiin subhaanahu wa taâ€™aalaa keeyyatoota tanniin warroota Guyyaa Murtii kijibsiisan dubbisuun jalqaba. Dubbiin kuni Guyyaa Murtii wanta isaanitti qajeelfamu keessaa fakkii murameedha. Gara Jahannam akka deeman yommuu ajajaman dubbiin kuni sammuu keessatti fakkii kaasa.

Rabbiin subhaanahu kijibsiiftota irratti erga murteesse booda Guyyaa Qiyaamaa maal akka isaaniin jedhamu jireenya addunyaa keessatti namootaaf hima. Qurâ€™aanni wanta gara fuunduraatti raawwatamu akka waan raawwatametti kan ibsuuf, gara fuunduraatti wanti suni dirqamaan akka raawwatamu namootatti beeksiisuufi. Wanta gara fuunduraatti raawwatamu akka waan raawwatameetti ibsuun yeroo Qurâ€™aanni buâ€™utti Araboota biratti sirna dubbii beekkamaa hin turre. Yeroo ammaa keenya kana keessatti, namoonni filmi hojjatan kanneen taatee (gocha) wanta tokkoo odeessan sirna dubbii kana argatanii jiru. Filmii hojjachuun dura, wanta gara fuunduraatti raawwatamu qabu ni odeessu ykn ni barreessu. Ergasii wanta odeessan ykn barreessan kana filmi keessatti hojii irra oolchu.

Rabbiin subhaanahu wa taâ€™aalaa waan hundaa beeku, Guyyaa Qiyaamaa haqa taâ€™uu ilaalchise ragaalee amansiisoo erga dhiyeesse booda gara wanta Guyyaa san kijibsiiftootaan jedhamutti darbe. Kijibsiiftoonni akka waan amma tanatti Guyyaa Murtii keessa jiranitti isaan dubbise:

•Gara waan sobsiisaa turtanii deemaa.â€• Kana jechuun yeroo addunyaa keessa turtan sanitti gara wanta sobsiiftaniitti deemaa. Wanti isaan sobsisaa turan kuni ibidda Jahannami. Kaafironni addunyaa irratti, â€•Adabbiin ibiddaa hin jiruâ€• jechuun yaadaa turan. Adabbii Jahannam ilaalchise wanti Ergamtoonni fi hordoftoonni ergamtootaa isaanitti himan akka sobaatti ilaalaa turan. Guyyaa Qiyaamaa adabbii Jahannam kana ijaan argu. Akkana isaaniin jedhama:

﴿هَذِهِ النَّارُ الَّتِي كُنْتُمْ بِهَا تَكْذِبُونَ﴾ (١٤) أَفَسِحْرٌ هَذَا أَمْ أَنْتُمْ لَا تُبْصِرُونَ ﴿١٥﴾

•Tuni ibidda isin sobsiisaa turtaniidha. Sila kuni sihriidha moo isin hin agartanii?â€• Suuratu Ax-Xuur 52:14-15

Ibiddi kuni sihrii (falfala) sobaati moo isintu hin arginee? Kuni isaan gaafachuuf osoo hin taâ€™in isaan waqqasuufi. Nama tokko yommuu waqqasnu, akka gaafatti dubbii keenya dhiyeessinaaf. Guyyaa Murtii ibiddi Jahannam haqa taâ€™ee waan arganiif jalaa dheessu hin dandaâ€™an. Kanaafu, â€œ**Gara gaaddisa abbaa damee sadihii deemaa.**â€• isaniin jedhama. Kana jechuun gara aara Jahannam bakka sadiitti qoodametti deemaa. Aarri Jahannam yommuu olkaâ€™uu bakka sadiitti qoodama. Haaluma kanaan aarri ibidda guddaa yommuu olkaâ€™u ni qoqqodama. Aarri kuni gaaddisa qaba. Ergasi gaaddisa aaraa kanaa maal akka taâ€™e ni ibse: â€œ**Gaaddisa qabbanaa**â€™**as miti, laboobaa irraas nama hin eegu.**â€• Kana jechuun gaaddisa kana keessa boqonnaa fi tasgabbiin hin jiru. Yommuu isa keessa turanis laboobaa ibiddaa irraa isaan hin eegu. Kana irra laboobaan ibiddaa bitaa mirgaa fi gara hundaan isaan marsa. Akkuma Rabbiin oltaâ€™aan jedhe:

﴿لَهُمْ مِّنْ فَوْقِهِمْ ظِلٌّ مِّنَ النَّارِ وَمِنْ تَحْتِهِمْ ظِلٌّ﴾

â€œ**Gubbaa isaanitii haguuggi ibiddaatu isaaniif jira, jala isaanitiis haguuggi [ibiddaatu] jira.**â€•
Suuratu Az-Zumar 39:16

Ergasii itti aanse guddinna qaanqewwan ibiddaa dubbite: â€œ**Dhugumatti ishiin qaanqeewwan akka gamoo darbiti.**â€• Kana jechuun qaanqeen ibiddi Jahannam darbitu guddinni ishii akka gamoo guddaati. Qaanqee jechuun ibidda irraa qilleensa keessatti wanta faffacaâ€™uudha. Gamoon immoo ijaarsa (mana) guddaa taâ€™eedha.^[6] Ergasii itti aanse bifa qaanqe ibse: â€œ**Inni (qaanqichi) gaalota sufr fakkaata.**â€• Kana jechuun bifti qaanqe kanaa akka gaalota gurraacha gara booraatti dhiyaatan fakkaata. Gaalota sufr jechuun gaalota gurraacha gara bifa booraatti dhiyaataniidha. Kuni kan agarsiisu ibiddi Jahannam, barbadaan ishii, laboobaa fi qaanqen ishii gurraacha, bifti ishii jibbisiisadha. Garmalee hooâ€™iti. Rabbiin ibidda Jahannam irraa nagaha akka nu godhu kadhanna.^[7]

Adabbii cimaa kana erga ibsee booda namoota Guyyaa kana kijibsisan, â€œ**Guyyaa san kijibsiiftotaaf ee badii isaanii!**â€• jechuun akeekachiisa.

Itti fufaâ€™i

Kitaabban wabii:

- ^[1] Tafsiiru Xabarii-23/596
- ^[2] Maâ€™aariju tafakkuri wa daqaaâ€™iqu tadabburi-2/579-586
- ^[3] Maâ€™aariju tafakkuri wa daqaaâ€™iqu tadabburi- 8/146
- ^[4] Tafsiiru Xabarii-16/87
- ^[5] Maâ€™aariju tafakkuri wa daqaaâ€™iqu tadabburi -2/582-583
- ^[6] Fatihu Qadiir-1571, Shawkaani, Daarul Maâ€™arifa
- ^[7] Tafsiiru Saâ€™dii-1067, Tafsiiru Muyassar-581

Date Created

December 8, 2019

Author

admin